



UNIVERSITÄTS-  
BIBLIOTHEK  
PADERBORN

## **Paraphrasis Psalmorum Davidis Poetica**

**Buchanan, George**

**Argentorati, M. D. LXVIII.**

**VD16 B 3125**

Psal. XVIII. Diligam te Domine. &c. Carm. gen. 1.

---

[urn:nbn:de:hbz:466:1-69145](https://nbn-resolving.org/urn:nbn:de:hbz:466:1-69145)

Puritas uitæ mihi te tueri  
 Corporis uinclis tribuet soluto.  
 Illa lux uerè faciet me ab omni

Parte beatum:

Lux uoluptatum cumulata cunctis  
 Gaudijs, quum se sine nube menti  
 Pura maiestas dabit intuendam  
 Lumine puro.

PSAL. XVIII. Diligam te Domine. &c.

Carm. gen. 1.

**T**E Deus alme colā, te toto pectore amabo,  
 Sancte parēs, mea uis, mea sola potētia, tur  
 Præfidiū, spes, & rebus solamen in arctis. (ris,  
 Tu clypeus, tu tela mihi, tu certa salutis  
 Anchora, tu statio tuti placidissima portus.

Nam simulatq̄ tuas in laudes ora resoluo  
 Te uenerans, pacemq̄ petēs, inimica facessunt  
 Arma, salus, placidisq̄ comes pax aduolat alis.

Iam me lethiferis mors circumuoluerat atra  
 Cassibus, obsessum iam me torrentibus Orcus  
 Impediebat aquis, stygia iam cōpede uinctus  
 Hærebam, laqueoq̄ pedem retinēte trahebar:  
 Hic ego depensus, supplexq̄ humilisq̄ uocaui  
 Voce Deū, & dubijs clamaui ad sidera rebus.

Ille super folio residens flammantis Olympi  
 Audijt orantem . postquam peruenit in altum  
 Clamor, & attentas aduertit questibus aures,  
 Protinus è uultu Domini conterrita tellus  
 Intremuit, montesq̄ caua compage soluta

B v

Nutarunt, penitusq; imis fremuere cauernis.

Fumeus afflatu de naribus æstus anhelò

Vndabat: rapidæ contorto uertice flammæ

Ore fluunt, uiuâq; animant attacta fauilla.

Vtq; suum Dominû terræ demittat in orbem,

Leniter inclinât iussum fastigia cælum:

Succedunt pedibus fuscæ caliginis umbræ.

Ille uehens curru uolucris, cui flammeus ales

Lora tenens leuibus uentorum adremigat alis,

Se circum furuo nebularum inuoluit amictu,

Prætenditq; cauis piceas in nubibus undas.

Acribus ex oculis uibratæ spicula flammæ

Discutiunt tristes claro fulgore tenebras.

Inde ruit crepitans lapidosæ grandinis imber?

Discursantq; uagæ sinuosa uolumina flammæ.

At uerò ut sancto sermone silentia rupit,

Protinus horrifico tonitru cælû omne remugit,

Grandinis & crebra tellus crepitante procella

Pulsa sonat, ruptisq; micant è nubibus ignes:

Flammiferæq; uolat magnû per inane sagitte,

Fulgurâq; ingeminant: laticum concussa lacu

Pãdithias tellus, & fontibus ora relaxat: (nas

Succutiturq; pauens & fundamenta reuelat,

Et referat chaos. Aeterni sic uox tonat oris:

Sic formidandæ graue spiritus infremit iræ.

Ille salutiferam porrexit ab æthere dextram,

Et me de rapidis pereuntem sustulit undis:

Hostibus eripuit ualidis, & acerba potentum

In me odia elusit: quum me studiosa nocendi

Temporibus duris cæca fraus arte petebat,

Auxilium tulit, & rebus patefecit in arctis

Latum

Latum iter, electumq; à morte reduxit amicū.

Scilicet immunē sceleris mentemq; , manūq;  
Adspexit Deus, & merito dignatus honore est.

Quippe nec impietas nec pravi credulus error  
Auertere meos recto de tramite gressus.

Ante oculos mihi lex Domini, mihi iussa ueren  
Sēper erant animo prēsentia: simplice uero (da  
Gaudebam, fraudisq; illo sub teste uoluntas  
Libera, flagitium, & scelerum uitauerat artes.

Ergo mihi integre fructū hunc decerpere uite  
Munificus dedit, & qui conspicit omnia iustus  
Arbiter innocuam cumulauit munere uitam.

Quisq; suis sibi te cōformat moribus: erga  
Innocuum innocuus, te sentit amicus amicū,  
Inq; bonos bonus es: male cautas callid<sup>as</sup> artes

Artibus illudis. duro in discrimine seruas  
Res humilis populi afflittas, oculiq; superbos  
Dei cis elati fastus. tu plebis ab imā

Cœtibus ereptum celebri me in luce reponis:  
Illustrasq; meas claro splendore tenebras.

Te duce perrumpo florentes ære phalanges,  
Altaq; turrigei supero fastigia muri.

Scilicet, ut sanctus Deus est, sua signa sequu-  
Sancta salutiferæ pādīt compendia uitæ. (tis

Illius æterno quicunq; effluxit ab ore  
Sermo repurgato flammis sincerior auro est.

Ille suo clypeo fida spe pectora fulta  
Protegit, aduersisq; uetat succumbere rebus.

Dicite qui colitis picti ludibria trunci,  
Aut ebur, in uarias aut saxa excisa figuras,

Ecquis

Ecquis in æthereo rerum moderatur olympo  
Fræna alius dominus? quis terre temperat orbem  
Alter, & inuicta quæ uult facit omnia dextra?

Ille Deus uiua mihi ui corroborat artus,  
Ostenditq; uiam maculosa labe carentem.  
Me pedibus fecit celeri contendere ceruo,  
Et procul à sæuis subduxit in alta periclis:  
Et tractare manu duro in discrimine belli  
Arma dedit facili: solidoq; ex ære rigentem  
Flectere & inflexum confringere uiribus arcum.

Ille salutiferi totum munimine scuti  
Me tegit, & dextra nutantem fulcit & auget,  
Largus opis perq; insidijs oblessa uiarum  
Pandit iter tutum, prohibetq; per inuia plâtas  
Ostento titubare gradu. Te persequor hostes  
Auspice, disiectos cõprendo: nec antè reuertor  
Quàm cecidere animi fracta uirtute minaces,  
Affusiq; cadant pedibus, ne surgere possint  
Rursus, & antiquas armis reparare ruinas.  
Tu mihi diffundis uiuum per membra uigorẽ,  
Et ualidos crudo distendis robore neruos.  
Tu bellare doces: tu me quicumq; lacessit (stes.  
Sternis humi, trepidosq; fuga mihi disijcis ho-  
Clamâtes nemo exaudit. Domini prece poscunt  
Auxilium: auersam negat implorantibus aurẽ.  
Hos ego, ceu uersat Boreæ uiolentia nubem  
Pulueream, impello, & turbatis feruidus insto:  
Et pedibus premo, ceu cœnũ deforme lutosi  
Conteritur triujs. Tu me sine nomine plebis  
Contemptu ereptũ, populos frænare superbos

Imperio

Imperio facis, & famulas mihi tendere dextras  
 Per longinqua iubesignotas oppida gentes,  
 Attonitas famæ nouitate, & nomine tantum  
 Audito: & blandis uerba assentantia linguis  
 Fingunt, nec tutis satis audent credere muris.

Laus, honor, imperiū Dño, qui robore cinctū  
 Me tegit, incolumemq; rapit de morte propin  
 Qui mihi perfidiā sceleratā ultricib. armis (qua  
 Frangere dat, populosq; facit parere uolentes:  
 Securumq; uetat belli trepidare tumultus.

Qui mihi præsidio est, populi quū sæua rebel-  
 Ira furit, mentisq; malę scelerata retūdit (lis  
 Consilia. Ergo feram latē tua facta per urbes  
 Finitimas: semperq; meo celebrabere cantu  
 Sancte parēs, regē qui dura per omnia tutum  
 Esse iubes, cumulasq; opibus: plenoq; fauore  
 Ipsum, & perpetuū sobolē amplectēris in æuū.

PSAL. XIX. *Cæli enarrant gloriam*

*Dei, & opera manuum, &c. Carm. gen. 6.*

INSanientis gens sapientiæ,  
 Addicta mentem erroribus impijs,  
 Tot luce flammaram coruscum  
 Cerne oculis animoq; cælum.  
 Hinc disce, prudens quā fuit artifex  
 Qui templa Olympi fornice flammeo  
 Suspendit, & terræ capacem  
 Et pelagi sinuauit arcum.  
 Dies tenebras, & tenebræ diem  
 Semper prementes perpetua uice,  
 Non fortuito res caducas

Ire